

سُلْطَانَة

ديوان عامية

سلمي أبو سريس



الطبعة الثانية

الكتاب : سلطنة

تأليف : سلمى أبو سريس

طباعة : دار الرضا للطبع والنشر والتوزيع

رقم الإيداع بدار الكتب : ٢٠٢١/١١٦٤٧م

الترقيم الدولي : 0-11-6885-977-978

رئيس مجلس الإدارة

رضا عبادة

المدير العام

العزب فتحي

٩ شارع فاطمة الزهراء من شارع الترابيع

الطوايق - جيزة

ت/ ٠١١١٤٤٨١٤٦١ - ٠١٠٩٠٢٧٢٧٧٦

تصميم الغلاف الفنان / محمد مخلوف

جميع الحقوق محفوظة للمؤلف

إهداء

إلي جدتي لوالدتي

الحاجة / سلطانة

معلمتي الحياة

سلمي أبو سريس

لواقدر

نفسى يعنى تحس بيا
قلبي متشوق لقاك
نفسى اقولك روجى عاشقه
كل حرف كتبته ليك
كل سطر كتبته فيك
اه يا حبي ااه لو اقدر
انى اعيش عمرى معاك
ليس لي فى الكون سواك
اعشق الاحلام بهاك
يا حبيبي وكل كونى
اصل عمرى واصلى كونك

كونى يعني أنى عشقتك

هى دى تبقى الحياة

شفت انا فى البحر نوه

وانت جيت طوق النجاه

.....

عشق المعنى



قلبك ده غالى أوى
وانا باعشق المعنى
ياروح ماليها الوجدع
عشقاك انا ياالجدع
ارضك براح ليا
ياراويني فرح وشوق
قلبك ده غالى أوى
وانا باعشق المعنى
حضنك ملان بالدفا
عمرى ما باعرف خوف
عينك سقتنى حنان

أكثر من المآلوف

فرحني حبك أوى

فرح الكفيف بالشوف

أيديك نسيمهم عليل

لما تواسيني

انا أرض وانت الندى

من فضلك اسقيني

شكلى زى حروف

وكمل المعنى

قلبك ده غالى أوى

وانا عاشقة للمغنى

.....

همس

انده عليك واقول

ياشمس ياهمس

يابكرة يأمس

انت القضا والرضا

والارض ويا الفضا

والعمر وانت الأمر

والدم في الوريد

فستان فرح والهنا

حنة ولمسة إيد

ولا أقولك بس أية

ياحبيبي انت عيد

.....

نسیني



ده وجودك جنبی مهنيني

ومفرحنی ومريحنی

والهم ياروحي منسيني

وبيسعدنی ومعوضنی وبيرضيني

واحلف بحياتی ونور عيني

احلف بالله وحياة ديني



أسد جسور



اسد جسور

اطلق نسور

قاموا ع العدا

وهذو سور

ولى زمان الانكسار

ان الاوان لجل العبور

مايهمكوش ان كان ضلام

ان كان في نور

انت اللى صايم يا صبور

عز الآذان يارمل غالى نحرره

مهرك انا عمرى ادفعه

جندی کمان علي مدفعه

ياإما دمي أنا ح أدفعه

يا نعود بفجر لامنا

يا إما يابنى تعيش شهيد

غنى النشيد

في العيد خلاص

نلبس جديد

مينا ومحمد أو علي

أكلو الشجر

كسرو الحجر

ومفیش غضب ومفیش ضجر

سادات خطب

جمع عرب

في الظهر الاحمر يا قمر

زالو الوجع رفعوا العلم

مش راح ننام

إلا ما ترجع ارضنا

ونقول سلام

جيشنا ياخير الجنود

تعظيم سلام

.....

خدونى وياكم



يارايحين للنبي

علي النبي صلوا

في الحلق كان المرار

بحروفه يتحلّى

يارايحين للنبي

صلو عليه وذيدو

من معجزات النبي

سبح حصى بايده

يارايحين للنبي

ماصلوا يوم عيده

اللى في يوم هجرته

أهدانا تنهيدة

يارايحين للنبي

محلاها من رحلة

المسك منه انطلق

عطر مطارحنا

خذونى وياكم

في قلبي ليكم معزة

ولا يمكن انساكم

يارايحين للنبي

صلى عليه ملايين

دى معجزات النبي

باقية ليوم الدين

.....

سلطانة

في جمالها مشفتش انسانة

مفتاح الحب وعنوانه

بحنان كات عايشة ويانا

وبتحضن روحنا الحيرانة

كان حضن جميل

ومالوهش بديل

ولا ممكن غيرها

حد يشيل

وهمومنا صبحت سكنانا

ولا عاد في معنى للقانا

واروح ع الدار

املي القاكي

وبدمعى انا بارجع حزنانة

وغيابك طال

ياضمة كانت لمانا

ولاعاد فيه ناس تستنانا

وكلام نبراس

تاج فوق الراس

والعلم المحفور ع الجدران

ولاحاجة في كتاب أو كراس

.....

سنين العمر

انا قلبي مخلوق من صبار

عايش يتغلب ع الاخطار

من براه شوك

من جوه مرار

وسنين العمر بعيشها دمار

قلبي الحيران

محتار بين ظلم وحرمان

ياما شاف بعنيه

ولامرہ أتجرا يسأل ليه ؟

.....

مرار

يامرارى الطافح أه يانا
والقدرة أهى صبحت مليانه
بجراحي وهمى بتتعبى
والناس بتنام
والبال صاحي
والحمل ثقيل
وانحني عودى
والدمع معلم ف خدودى
طب امتي ياأفراحي تعودى؟
وزمانى بيضحك بأمانه
يامرارى الطافح أه يانا
البال مشغول كدا من يومى

تعبانه من كتر همومى
ولا حدش سامع شكوانا
يامرارى الطافح اه يانا
بيقولوا على فطيره يابتزا
الموز يدلع بينانا
والجار ما بيسأل ولا جاره
سبحان من خلقك ونشانا
ولا نرحم شيب
ولا قلنا ده عيب
واتساوى أحبه مع عدانا
يامرارى الطافح أه يانا
الفرح أهو راح
والجرح مفرع جوانا

.....

عوده

من بعد سنين العمر ثبات
وكان انا واحدة من الاموات
فجأه قابلت انا صدفه عنيه
روحي ساعتها أهي فرحت بيه
واتولدت ما بين ايديه
عمرى يوم ما غبت عنه
قلبي ساكن جوه منه

.....

نور



نور يانور عيني
ياأحلى إيامى وسنيني
ياتانى فرحه حسنها
بقلبي ساعة ولادتها
وجوه حضني أنا خبتها
وفرحنا رقصنا بحنتها
يارب الكون
كدا قويني
توصل بسلامه
لباب بيتها



جربت

شايقة نفسى لما أكبر
نجم عالى فوق سمايا
يحكوا عني ١٠٠ حكاية
نوع ونادر م البشر
أرضى يرويها المطر
شجرة طارحة صيف شتا
لوحة حلوة ملفقة
دنيا غير كل الوجود
العطاء من غير حدود
حلم أقرب للخيال
فرحانه بكل العيال

حققت كل الامال
دمرت كل المحال
جده أجمل مما قال
لما تموت الروح جواها
وأما تصاحب كل عداها
وأما بتسكن كده ف النار
وأما تبدّل ف الأدوار
وأما ماتعرف يوم تختار
تلقى الوهم كله ماليك
تلقى السهم ينفد فيك

.....

خلف أسوار الروح

عصفور أسير
بيصارع السجان
نفسه يغير كل مكان
نفسه يوم ينسى الآحزان
نفسه يعيش الدنيا بجد
ولا مره بيزعل حد
نفسه يكون كلنا آحاب
نفسه ننسى اى عذاب
نفسه بكرة يكون بحساب
نفسه يعدى حدود الكون
نفسه يفتح كل عيون
نفسه مره يكون مجنون

مرايا

عيون قلبك ودى مرايه

بتعكس للى جوايا

يبان حبي وحناني ليك

يانسمة طايره

ياجناح وروح

أكون وياك

مكان ماتروح

لو ثواني تغيب عليا

تغريد البلابل نوح

.....

ياحضرتك



يامن بتعشق للنسا

وعامل صبي

إشى بيضا

إشى سمرا

واللى طويله حبتين

واللى ف قوامها مكبيه

ياواقعة سوده مهبيه

وأم النقاب ما فوتها

ربونى اهلى

ع الفضيلة والشرف

قالو لى عيب

لو بنت تكشف جسمها

ما تفك ابدأ شعرها

إلا علي كتاف زوجها

أسمع بقي

ياأما فيا تتقى

يا أما هأخلع حضرتك

.....

عود أخضر

قلبك انت نبع جارى
يروى عطش كل الصحارى
لأجل يطفى حر نارى
لأجل لون الورد يظهر
لأجل تبقى الأرض مرمر
لأجل يرجع عودى أخضر
يا سنين الفرح عودى
الحنين دبل ورودى

.....

قيد التبدید

ایام سوده ماتعرف لیه
کله ف صالح سیدنا البیه
ولا نقدرش نقول فیه إیه
نهب وسرقه وکل ده لیه ؟
او عی تقول أستاذ و عمید
کله ده خاضع للتهدید
والأخلاق قید التبدید
هلب کوش یاللا یابییه
ده یظلم وده مد الاید
والاخلاق راحت ف حدید
لیه نبقی ساده و عبید ؟

ليه يتعين ابن عميد
وابن العامل يبقى بعيد
والمفروض ده يبقى معيد
صوت الظالم بقى مسموع
وولادنا بتموت م الجوع
والآحزان سكنت في ضلوع

.....

قريب

بعيد عن عيني لكن
اقرب من كل قريب
وبتسكن جوه ف احساسى
ولايوم بتغيب
ماأنت معنى للوجود
وانت لجراحى الطبيب
مهما تبعد اوتغيب
انت من قلبى قريب

.....

الحلقة

لماتضيق حواليك الحلقة
وتشوف كل الالوان زرقه
ولا بتشوف ابيض ولا أخضر
ولا يبقى لك عقل يفكر
والاحلام جواك تتدمر
وتلاقي الظالم يتأمر
حتى الفاسد يصبح عالم
والعالم من علمه أتحزر
والجاهل تلقاه بيسيتر
يبقى فاضل لنا ايه ؟
علشان نبقي ونجرى عليه

.....

افكار طائشه

انا عايشه ومش عايشه
وبللم افكارى الطائشه
مخنوقه والمسئول مين؟
ماسكينها حبة مجانيين
وهمونا بورد وياسمين
وادي حالنا بقى زى الطين
ويا عالم راح نشكى لمين؟
دا اسعد مافينا
أصبح حزين

.....

اعيش

بأعشق كلامى معاك
وبأعشق غرامك وبأعشق هواك
وبأعشق لاسمى لماتنادى
وبأعشق غرامك واحساسى بيه
وبأعشق عنيا
فى نظره عنيك
وبأعشق لايدى
تلمس ايديك
وبأعشق لقربك
وعمرى ثوانى
تعالى حبيبي ياطوق النجاه
تعالى حبيبي نعيش الحياه

افديك

احساسى بيك مجنى

محيرنى وشاغلى

بيسعدنى

بيوعدنى

يقربنى

مايبعدنى

بيفرحنى

بحبى ليك

ويدوبنى فى نن عينك

ويسهرنى قمر لياليك

انا عاشقه لحبى لىك

انا حاسه بلمس ايدىك

انا عمرى اللى جاى لىك

انامطرح ما اروح بلاقىك

انابقلبى وروحى افدىك

.....

وااااه



وااااه

واه لما القلب يحن

يفضل زى النحلة يزن

يفكرنى

يعاندنى

يقربنى

ويبعدنى

يقونى

ويسندنى

يفرخنى يبكينى

يجتنى

ويهدينى

وااااه



بتأسرني

باحب عينيك وتكحيلها

بتأسرني في تسبيلها

اتوه من تانى والقانى

انا هايمه في حبي ليك

باحبك حب مش عادى

وبا تباهى بعشقى ليك

لأنك زاد وزوادى

باحبك وانت يوم العيد

.....

بتنصرنى

ياروح قلبى يانور عينى

يافرحة عمرى وسنينى

بحُبك ليا تحيينى

وتحمينى

تقوينى

علي الاحزان

بتسندنى منين ما باكون

تهون الروح فدا منك

ياأبنى ياأغلى من نفسى

بتنصرنى علي يآسى

.....

حره

جربت تعيش كدا متهدد؟

خايف أحلامك تتبدد؟

مع انك ساكن من جواك

الروح.... حره

لكن بأديك بتكتفها

خايف منك تخرج بره

ومسلم أمرك كل جبان

يشبه أورام زي السرطان

ضاغط علي روحك وأسرها

عاوزك كدا عايش من غيرها

.....

مولد

طعميائية ونص رغيغ

وطبق نابت متحوج

رز ولحمة

هيصة وزحمة

وادی بقلابة

ويافطير

دي زمارة

ودي طراطير

ودا كدا هادی

ودا بيغير

دوشة وزیطة

وخلق كثير

ودا بيهاتي

وصوت زمامير

والالعب دى في كل مكان

حلقات ذكر ويا ياسين

طيبة وعفة وناس مجانيين

ودا صوفى

ودا منوفى

خير بيعم

وفقر كثير

قال ايه مولد

سيدنا فلان

ودا بيهوش

ودا بيكوش

ودا بيقرر

ودا بينقرر

ودا كويس

ودا يهيس

ودا عامل ندر

ودا ناوى الغدر

ودا تاه من ابوه

ودا اهله لقوه

ودا باع لضمير

ودا باع أعضاء

واللى يقول دى دماغى تاكلنى

واللى بيشرى فى حاجات بنى

كله مباح

كله متاح

اعصاب باردة

ضمير مرتاح

كله يدور ع الأفراح

يستنى نظرة عابرة

مدد ياستي ياطاهرة

انا كل غاييتي ومطلبي

انى ازور قبر النبي

.....

حمل

طول عمرى شايله الحمل

ولا مره يوم كلت

قلت بأصلك واستقويت

وليه تعيب علي الزمن

والغدر كان منك

انا عمرى ماندمت ولا كنت محتاره

انا بس متغيرة والنفس اماره

شرفى ده دايماً تاج

مش لوح إزاز ولا عاج

قلبي ملان بالأمل

ورد وبإيدى أسقيه

.....

دوامات

وانا جنبك حسيت الذل
عقلي خلاص احتار واتشل
ولا بتخاف ولا بتمل
والصبر من صبرى مل
عايشة باعانى من الاحزان
واللى انا عشته كانه ما كان
جاحد واخذ ع العدوان
انا وياك ضحكى مجروحة
روحي كمان صبحت مشروخه
قهرك دا رمانى في دوامه
تايهه بعانى فوق بركان

كنت اتمنى اعيش في امان

غرقتني في بحور احزان

كل كلامك كان اوهام

كل حياتك غش ف غش

وبقيت انت بمليون وش

.....

حلاوة الحب

ساحرني صوته وكلامه
واتمنيت أعيش احلامه
ساب جنته كلها علشاني
خدني معاه إالي عالم تاني
قال لي ياروحي أحلمي وأتمني
انتي بقيتي حته منّي
انا راح احقق كل أمالك
انا يا حبيبتي عرفت مقامك
عيشي معايا حلاوة الحب
انتي ملاكي وأطيب قلب

.....

عود نعناع

ياروح قلبى يانور عيني

يافرحة عمري وسنيني

يامصبرني علي الآحزان

وساند ضهري وحاميني

وواخذ إيدي م الضلمه

وف نور الحب بتهديني

يا دوايا وشايل للأوجاع

يا عود نعناع

وتاج مرجان علي جبيني

يا نبض القلب

ودم بيجرى ف شراييني

.....

حنايا الروح



نفسى اكون وياك
ونعيش حياه عادى
لا أقول هات وهات
ولامرہ أقول زادى
أكلها حتى بملح
والبال يكون راضى
تملك حنايا الروح
وسكنت في فؤادى



غضبها

كنت صعبان عليا
وانت تايه بيني وبينها
نفسك تعقد جنبى شويه
بس كنت خايف منها
كانت عينك راичه وجايه
مره عليها مره عليا
كنت بتدور علي حجه
لاجل تبص عليا شويه
وغضبها دايماً بيزيد
شايغه هي احق بيبك
شايغه انك ملك ليها
عايزه عينك تبعد عنى

حست انك بتضيع منها
العذاب والغيره مره
وانت بتحاول تراضى
مره تطبطب
مره تداوى
والقلق باين عليك
شفت الحيره جوه عينك
قررت خلاص ابعد عنك
قررت خلاص انى اعفيك
ومن الحيره قلبى حاميك
لاجل ماترجع تانى حياتك
قبل عنيا ماتيجى في عنيك

.....

مشتاقه

مشتاقه ليوم إني احكى لك

عن جرحى وهمى وعن نارى

مجروحه من يومى وعائشه

عماله اخبى وادارى

ليه دائماً ويايا بتعند ؟

وباقرب منك ليه تبعد ؟

وبعادك عنى ملوعنى

وانت ولا حاسس ولا دارى

بتروح وتغيب يا أعز حبيب

ولا يوم بتفكر تسمعى

قلبي يناديك يسألنى عليك

ويقول ده حبيبك ضيعنى

مشتاقة يوم أنى احكى لك

عن همى وجرحى وعن نارى

طب امتى ح نفرح وتجبنى

يا مزود شوقى وحنينى

ونقيم افراح

وتطيب لجراح

وتقول انا توبت وسامحبنى

ويزيد الود

واقولك جد

يا عشرة عمرى مع سنيني

أنكاد يا عزول

ولا مره ها أقول

مشتاقه ليوم إنى إحكى لك

.....

انتظار



تعبت من طول الأنتظار
وقلبي حس الأنكسار
لما انت ناوي تغيب فهمني
قبل ما أشعر بالمرار
اصل غيابك معناه يعني
هو قمة الأنهيار
ياما سهرت اعد ليالي
واسرح جوه عنيك بخيالي
تتجسد صورتك قدامي
عشت معاك أجمل ايامي
فجأة صحيت أنا من احلامي
ولقيتني قابضة علي النار



تغير

نفسى أقولك انى راضيه
بس يا خسارة مش فاضية
طالعة اجري ع المعاش
والعقل من راسي طايش
لو ليك قلب تحت الضلوع
لو مرة بتشعر بالجوع
كنت بتحس الفقير
نفسه ف لقمة مش فطير
نفسه في هدمة مش حرير
نفسه علي عرضك تغير
لو ده يحصل يا امير
مش هنطالب بالتغيير

.....

خائف

هو حبي ليك بقي ذنب
طيب انا راح أتوب
سيدي عن كل الذنوب
هأسجد وأطلب الغفران
علي شيء أصلا عمره ما كان
حلم وخفت تحلم بيه
أو حتي تفكر تراعيه
وسنين عمرك ليه عدتها
خائف حتي من أحلامك
وبتغرق في بحور أحزانك

.....

لحظة بلحظة

ليه مش قادر تبقي معايا
وانا ما بكنش الا معاك
قلبي بيجري قبل ميعادك
لجل بسرعة قوام يلغاك
خدني وطير ع الجنة الحلوة
رضوان مستنينا هناك
ياللا نعيش انا وانت حياتنا
سيبك من هذا ومن ذاك
عيش ويايا لحظة بلحظة
أحلامي انا لقيتها معاك

ع الرملة بتفرشلي ملاية
وبنقسم غنوة وضحاكية
انسى همومك يا حبيب ياللا
بزيادة حرمان ومذلة
دانا وانت تايهين من يومنا
عايشين بنداري في همومنا
ايه يجرى لو مرة حلمنا ؟
نطمع نخرج برا حدودنا
ولامرة حاجة تقيدنا
ما أنا قلبي عاشقك بجنون
قررنا مايسعنا الكون
كله مادام وياك يا عنيا

طول ما ايديك شابكين ف ايديا

ليه مش قادر تبقي معايا

وانا ما بكنش غير وياك

.....

ملام

لساك بتكابر وبتصرخ
وانا اللي بلملم أشلائك
وبتجرح قلبي بعزم ما فيك
بتعارض نواميس الكون
وانا ها أعلن غضبي عليك
وعاملي حكيم ؟
وبتوزن دايمًا في كلامك
وشبعت ملام
وانت يا انسان
مخلوق من طين
زي بقية البني آدمين

ساعة بتفرح
وساعات بيعدى الوقت حزين
وما بين الممكن والمعقول
عمال بتقلب في مراية
وتحط الماسك قوام ع الوش
انا زهقانة
ازاي راح تزرع بس الورد
والوقت خريف
وريموت احساسك
أصله مخيف
مابقاش بيغير في مشاعري
ويجيب فتوات تبقي علي الكيف

.....

شبه لعبة

عمال تتباهي امام الكل
بانك تلعب بمشاعري
والكل بيحلم نفس الشيء
بيشد الفستان من كتفي
ويشد الشعر
وكأني عروسة
وحجارة ف ايديك ويا ريموت
حاسب اللعبة بتصرخ وتعاني
والموج يحذفها رايح جاي
ولا حاسس قلبك يوم بيها
ولا حتى بتسمع صدي للصوت

ترميها قوام وسط الشارع

والليلة دي ايه ؟

علشان ناسي

دي ليلة العيد

فرج أصحاب ع اللعبة

قلب فيها

شوطها

واستني كتير للبابا نويل

يمكن هيجيبك يوم غيرها

ويمكن مايجيش

.....

قلب مشقق



مابقاش مهم

تكون حبيب

مابقتش عايزة ضمتك

ولا عاشقة تاني

همسك ... كلامك ... رقتك

والقلب متشقق وجع

مقتولة عايشة ميتة

فستاني ده ولا كفن ؟

حبك ده اصبح كالطوفان

أصبح دمار

بركان وزاد فيه اللهب

وعصاك ما عادت ساحرة

غدرك محال يوم يتمحي

هو انت ميت ولا حي

أنا شامة ليه ريحة عفن

.....

أكتمال

حبك كدوار البحار

طوق نجاه

ومد ومرسي

أوضة أزاز

روحي زي طفل

حاولوا يفطموه

والبيت ده غربه

وانت الحنان

وعود الفل والياسمين

يا ضحكة بتتنور سمايا

زي قمر الليل

يوم الأكتمال

والأحتمال

ان يكون الصبح عيد

انت الهلال

انت احتلال كل الجسد

والقلب والضلع الشمال

بعدك محال

عشقك حلال

قبلك مفيش اصلا حياة

وانت طريقي لجنتي

.....

صادق أمين



الصدق دائما كلمته
والأمر صادر من الاله
يجري لخديجة يقولها
زمليني ودثري
هو اللي اتحمل اذى
بعديها ربي اسري بيه
واتجمعوا كل المثل
وحاوطوا داره بالسلاح
وعلي كان في فراشه نام
صديق رفيقه ف رحلته
اما العناية م الاله

اسس لدولة مجدنا
بالعلم ارسل للوفود
كل الاراضي اتعمرت
فاطمة من النسل الشريف
أم الحسين أم الحسن
والدرع أصبح مهرها
عين الحبيب
كانت حنون
فاقت نساء العالمين
كل الشرف أصبح لنا
وبقيننا غير كل الأمم

.....

عنيذ



جمع بواقي الأمل

خبيني بين ايدك

أكتب بايدك

ع السما

حرفين لعشق

وفي الضلوع

بالف معني للسكوت

انا اللي باوهب لك حياه

وانا جرحي سالف م الوريد

حبة وجع

لساك عنيد

ماسك في ايدك شنطتك

بتقول وداع

.....

آنسة

الخلوة غاويه المنظره

حبة صور

وكمآن بتسبيل العيون

فستانها كاشف كل شئ

وقوام قوام

ولا بلاش

والشعر مصبوغ الف لون

وايدها خالية من الدبل

الخلوة بتقول آنسة

يا ستي بصي في البطاقة أتتيلي

عيب أختشي

.....

ممنوع المرور



عشقك زهور

عشقك طيور

وعطر يملي في الصدور

ويافطة ممنوع المرور

انت الثقة

قبل الغرور

وحلم عالي في القصور

الكل يتمني الرضا

واقفين طابور

انت اللي فارس دنيتي

دايما جسور

رهان

وبتراهن علي عمري
حياتي معاك اكيد احلي
تعليني تهنيني
تفسر كل أحلامي
بترسم ضحكة علي وشي
تعديني بحور وبحور
وبتخليني بيك أقوي
اشوف بكرة خضار في خضار
ونسهر ليلنا والسمار
علي شط الهوي الصافي
أمد ايديا أجيب نجمات

بدون جناحات
نطير ونعلي للسماوات
ونبقي قصة يحكوها
كمان في كتاب

.....

غفرانك



يارب منك مدد
احميني من ضعفي
انا طالبة غفرانك
بأرفع ايديا اليك
وادعي في كل اذان
بحق جاه النبي
وببركة القرآن
يا رب منك مدد
ولا ليا غيرك نصير
رزقت دودة ف حجر
وبترزق العصافير
يا رب منك مدد

احميني دنيا ودين
طمعانة في جنتك
فيها الزيتون والتين

يا رب منك مدد
احسن خواتمنا
اكفينا شر البشر
لو يوم هتظلمنا

.....

فتافيت سلمى

انا سلمى جدي سريس
الأصل والمعني
في الغدر اصلي ماليش
وعاشقة للمعني

.....

ابويا رباني ع الأصل من صغري
علمني انظر امام والمشي في الدوغري
ولا عمري ملت شمال
والغالي كان مهري

.....

قلبي انا في هواك يدوب
حتي لو عدت قرون
أنت تاج كل القلوب
لو جابولي مال قارون

.....

ايوة عشقك بس لكن
ساعة يوجعني كلامك
والهوي في القلب راكن
مش بأشوف الا ملامك

.....

هو يعني القطر فاتك
كل شئ من صنع ايدك
ياللي توهب لي حياتك
قلبي اهو ساكن في جيدك

.....

كل يوم قرب بخطوة
تلتقي قلبي ف طريقك
اصل حبي ماكانش نزوة
والسطور اهي فوق جبينك

.....

ايوة غيرتي تبقي ميزة
يا اللي قلبي عليك بيصفح
ذكري واللّهي عزيزة
انت لأخر القلب مطرح

.....

قلبي متشعل نيران
وانت تحلف لي بباطل
هات كمان حتي الميزان
والحقيقة بلاش تماطل

.....

كل واحد له ظروفه
والحجج ما بتنتهي
واللي يغلط يا كسوفه
اما ناس ما بتختشي

.....

ليه بتبعد عن حبيبك
والعروق فيها الرطوبة
او عي لا تسيبني لغريمك
واتحذف كام الف طوبة

.....

أاه يا حب ناره حامية
قلبي موجوع مش سليم
لو مراية الحب عامية
يبقي انا عايشة ف جحيم

.....

انت عامل ليه فتوة
كل ساعة القاك تنثور
انت تبقي صاحب مروه
ولا قاسي يا عم غور

.....

شفت ياما كثير مقاسي
والله هو ليا حاسب
ما التقيت أهلي وناسي
وعمري ما حسبت المكاسب

.....

ياللا قرب جنب مني
اصل أنا عشقك صراحة
واوعي مرة يوم تلومني
عمري ما اهدي لك مساحة

.....

قلبي أخضر زي قلبك
وقت ما تقوم الشدايد
والصعاب انا شفت قبلك
والتمن مدفوع فوايد

.....

ربي قال ان احنا نسعي
لأجل من نحقق طموح
أجري اصل الدنيا واسعة
لما نيجي او نروح

.....

انا حملي ثقيل
وانحني عودي
يا ليالي الفرح
قوام عودي
واعزف وياكي
علي عودي

.....

يا اللي هواك قدر
علي قلبي صار مكتوب
حبي ليك ده اجر
يمسح كل الذنوب

.....

مشتاق يا قلبي
ليوم العيد
والاحزان تداري بعيد
تصبح احبه وايد ف ايد
وفرحة جاية بدون مواعيد

.....

تعبت جدا وقلبي داب
تعبت من طول الغياب
وامتي أرتاح م العذاب
حد يرد باي جواب

.....

باحبك وبتمناك
تكون دايم معايا
لو تفكر مرة تبعد
تبقي ليا دي النهاية

.....

من يومي شايقة نفسي
حرة وروحي عفيفة
ولا حد في الكون ده زيي
حتي الزناتي خليفة

.....

يا طه نادينا نلبي نداك
نكحل عيوننا بفرحة لقاك
نروح المدينة نصلي هناك
يا رب تسعدني بفرحة لقاك

.....

بأكره كل حياتي معاك
بأكره ضعفي وقت لقاك
تعرف حتي باكره ايه
بكره اسمي لو تناديه

.....

انا قلبي صابه الوجد
والأهه سكنت فيه
بعدك عليل بالقوي
مين غيرك راح يشفيه

.....

انا دم وانت وريد
ساكنه بتجري فيه
لو عني لحظة تغيب
قولي انا احيا ليه؟؟

.....

تقلت حمولي ما شالها
علي ضهري تقلت حموله
ولما سابني ما شالها
قلبي وروحي حموله

.....

قالي عليا اسندي
ماحد غيري يشيلك
ولما تقلت حمولي
قالي انا لقيت بديك

.....

انا راح الف الدنيا بحالها
مش راح اكل وشايله حمول
ربك قادر يصلح حالها
بس الدعوة تكون بقبول

.....

سيرة ذاتية



- *عضو اتحاد كتاب مصر
- *عضو رابطة الزجالين وكتاب الأغاني
- *عضو نادي برج العرب
- *عضو حزب مستقبل مصر
- *لها ديوان زي ما ترسي
- "تحت الطبع" (ديوان قلبك سكن _ بلاش مناهدة _ احزان عتيقة)
- * حصلت علي شهادات تقدير من نادي أدب برج العرب
- *تم تكريمها بمركز الشباب كأى مثالية عام ٢٠١٧
- *تم تكريمها من جمعية الجدار المبين
- *تكريم انا ضابط لكنى شاعر
- *حصلت علي الام المثالية من حزب المصريين الأحرار ٢٠١٨
- *تقدير من جمعية تنمية المجتمع برج العرب
- شهادة تقدير من مؤتمر العامية اتحاد كتاب مصر اغسطس ٢٠١٨*

تشارك في الأمسيات والمهرجانات داخل وخارج محافظة
*الاسكندرية

حصلت علي دكتوراه من حركة السلام في افريقيا تزكية التجمع
*العربي

*شاركت في مهرجان البحيرة ٢٠١٩

*شاركت في مهرجان أشمون ٢٠١٩ وتم تكريمها

.....

الفهرس

م	العنوان	الصفحة
١-	إهداء	٣
٢-	لو أقدر	٥
٣-	عشق المعنى	٧
٤-	همس	٩
٥-	نسيني	١٠
٦-	أسد جسور	١١
٧-	خدوني وياكم	١٤
٨-	سلطنة	١٦
٩-	سنين العمر	١٨
١٠-	مرار	١٩
١١-	عودة	٢١
١٢-	نور	٢٢
١٣-	جربت	٢٣
١٤-	خلف أسوار الروح	٢٥
١٥-	مرايا	٢٦
١٦-	يا حضرتك	٢٧
١٧-	عود أخضر	٢٩
١٨-	قيد التبديد	٣٠

م	العنوان	الصفحة
١٩-	قريب	٣٢
٢٠-	الحلقة	٣٣
٢١-	أفكار طائشة	٣٤
٢٢-	أعيش	٣٥
٢٣-	أفدك	٣٦
٢٤-	وآاه	٣٨
٢٥-	بتأسرني	٣٩
٢٦-	بتنصرني	٤٠
٢٧-	حرة	٤١
٢٨-	مولد	٤٢
٢٩-	حمول	٤٦
٣٠-	دوامات	٤٧
٣١-	حلاوة الحب	٤٩
٣٢-	عود نعناع	٥٠
٣٣-	حنايا الروح	٥١
٣٤-	غضبها	٥٢
٣٥-	مشتاقة	٥٤
٣٦-	انتظار	٥٧
٣٧-	تغير	٥٨

م	العنوان	الصفحة
٣٨-	خايف	٥٩
٣٩-	لحظة بلحظة	٦٠
٤٠-	ملام	٦٣
٤١-	شبه لعبة	٦٥
٤٢-	قلب مشقق	٦٧
٤٣-	اكتمال	٦٩
٤٤-	صادق أمين	٧١
٤٥-	عنيد	٧٣
٤٦-	آنسة	٧٥
٤٧-	ممنوع المرور	٧٦
٤٨-	رهان	٧٧
٤٩-	غفرانك	٧٩
٥٠-	فتافيت سلمى	٨١
٥١-	سيرة ذاتية	٩٢